

[www.BibleForChildren.org](http://www.BibleForChildren.org)

# Mateo 26



Bei. Yai  
Bada a waiteli  
lä jayvano wei,  
6 tä mö jalu cublou  
däjä tä nofi nia  
çocamoä çomaje. Bä  
iyaö showaa mlai ja,  
Bedaniateli bä nijamö Jesús a  
waloa balöquedayoma.  
Öjamö Lasalo a bälöoma,  
Jesúsnö a demi jocädamaö  
lä çolayono wei a lä cui. Öjö däjä,  
Maríanö toubä nö lä clçdeli wei  
toubä besi fa dälänö, Jesús mamicö fe  
löblalema. Toubä nowa blucaö dodijioma.



Cama suwä fëta  
ucunö, mamicö çai  
yajöblaö  
nocalayoma. ¿Öjö  
tawä? Mamicö fe  
löblaö ja, a yafi nö  
çedeli  
jödödöblaliyoma.



Öjö däjä, nofi bãyäalewä blowäjäwä bä nijamö Juda  
Icaliode a alayoma. Öjö bä nija a jömabä, Jesús a nia  
lä nomojoliano wei a wafa  
wäamoma. ¿Öjö tawä? Jesúsno  
bä 12 lä nocamabono wei a  
Juda cuoma.



Öjö a wə ja, nofi bəyāalewä bə bufi bada doblaloma.  
A nia lä jömaö wei tä nowa ja, blada ebä əfa wāa  
showadaquemaje. Öjö dājä, Jesús  
a nia lä nomojoliano wei tä nofi  
dayāaö showadaoma.



Jesúsnö bã nowa lä tano weinaja,  
inaja showawä cama ebä lä  
nocamabono wei bã cuaama. Yai  
Bada a waiteli lä jayvano wei a  
nofi çocamoao çobeje, öjö a yafi  
jamö täbä nii baquemaje. Bã iyaö  
showao däjä, nii a fa dälänö, Yai  
Bada nija a bufi afa doblalou  
wäyämoma. Öjö däjä, a fa  
joyolalönö,  
cama ebä lä  
nocamabono wei  
bã nija bã jöbäo  
cuaama.




Bä jöbälanö abinaja a cuma. —Ei  
nii a da dälöje. Bä da walöje. Ei  
nii a lä cui, camiyä ei bei ya yaḷi  
nö owä —a cuma. Öjö däjä,  
jishima a ja, nashiwä toubä befi  
çai dää nomöjölema. Yai Bada  
nija a bufi afa doblalou wäyämou  
fa balöonö, cama ebä lä  
nocamabono wei bä nija  
ubä befi çai fa  
jöbäcönö,  
abinaja bä  
nowa tama.




—Bluca wamacönö ei ubä codaö da cuaaje. Yai Bada tänö tä afa lä wäqueno wei tä a bejedi cublobä, öjö bei lä ya iyäbö nö owä malä cui. Bluca täbä bayeliblamobä ya iyäbö läblalio, täbä doblou lä mlai etä nowa mladobä.



Simón Pedro nija abinaja Jesús a cuma. —Simón.  
Wale ą da jililä, Simón. Sadanasinö wa wababä, Yai  
Bada nija a wą faö waiquiwä. İcali wa fa laecanö, nii bä  
lä taö wejei jamö bei tesibä joyamou lä culenaja, wa  
nia tablamou. Öjö ma cui, Yai Bada nija bäfä nö bayeli  
nacaö waiquiwä, wa bufi lojodoo fe yadiobä. Wa bufi  
mö yabajablou ço  
däjä, aifä wa bä bufi  
lojodoamaö mö  
feduobä —a cuma.



Abinaja Pedro a cuma. —Tä ą wäyäle. Bäfä nia daaimi. Täbä fe lä lamaö wejei jamö wa fe ma laquei wejei ma cui, wa shäö ma cujei, cafä nija ya nia nocao fe yadio showao —a cuma. —Ma, Pedro —Jesús a cuma—. Bäfä nowa taö lä cule. Cadala a wą faö showao mlao däjä, 3 wale nofi nia jole jole mojudubou cuo —a cuma.



Öjö däjä, Jesemani tä ɸafa  
ulifi lä jilabou wejei jamö,  
Jesúsnö cama ebä çai  
alayofälöma. Öjamö bä  
çai fa waloalunö, cama  
ebä lä nocamabono wei  
bä nija abinaja Jesús e  
cuma. —Yai Bada nija ya  
nö bayeli nacaodayou däjä,  
eja bä loa jäa da balöicu  
—a cuma. Cafänö wa tä  
bluca taö daö malä cui.  
¡Fabe! —a cuma—.



¡Fabemi! Wale nö nia lä  
bleaamaö wejei, ¡tä yai  
da blajamalö! Öjö ma  
cui, wa tä nö  
blajamabimi waiquiwä  
ja, öjö waiquiwä.  
Camiyä ya cuaaö bufi lä  
doblao weinaja mlai,  
cafänö wale taamaö bufi  
lä doblao weinaja wale  
da taama —a cuma.



Judanö täca dama cudeenö, Jesús a nabä jubeje bä fa nacalänö, bä çai ayofälöma. Lomateli ai bä sodado coyocomoma. Yai Bada etä yafi jamö bä lä läono wei ai bä çai. ¿Öjö tawä? Nofi bäyäälewä blowäjäwä bänö bä shömölemaje, faliseo bä bada çainö. Cowa wacöbä shii cuobä täbä däaquemaje. Wacöbä çai jiibomaje.



Bä ishobä täbä çai showabou showadaomaje. Inaja bä fa cudalunö, ai e isholayoma. Nofi bäyäälewä bada a nosie juamobä a nabä fa queicunö, a yömöca baquequeblalema. Öjö ma cui, Jesúsno a wasölema. —Ma, bä isho dijä —a fa cunö, bei yömöcacö lä baquequeblaleno wei yömöcacö fa jubanö, a jaloa çomalema.



Öjöö däjä Jesús a fa juwälöjenö, nofi bäyäälewä bada e  
yafi jamö a öbölefälömaje. Pedro a jäwäjäwä  
yauafälöma. Yafi sibo lä jicologi tä möamo ja,  
cowa wacö fa yäbalöjenö,  
bä bomobä bä loquema.  
Öjöö däjä Pedro a çai  
loo coyocoquema.



Nofi báyäalewä a wä  
bada juamobä ai e lä  
cui e ą fama, Pedronö  
yömöca lä  
baquequeblaleno wei e  
mashi lä cui. —Cafä wa lä  
cui, ¿Jesús sho ficali ca jamö  
bäfäcö dablanomi daanö? Öjö  
däjä, Pedro a wä mojudumou fa  
çonö, yedu cadala a wä  
nocablaliyoma. Öjö däjä a bufi  
fa wajäblalunö, a siboa fa  
showadalunö a öcöma.




Öjö däjä, bä bluca fa ubladalunö,  
Lomateli bada tä Bilado nija Jesús a  
caí fa juvenö, Biladonö a wälí ja,  
abinaja a cuma. —Cafä ¿judío bada  
bei wa? —a cuma. —Awei. Wa  
wä cadidou —Jesús a  
cuma. Jesús a jujeblaö  
bufi doblao waiquiwä yalo,  
bä lä cöcamono wei bä nija  
Bilado a wä faö cöoma. Öjö

ma cui, bä a shi doa dicolayoma.  
—¿Fii balitama defí jamö a shino

da basumacö! ¿A da  
basumacö! —bä cublaloma.




Öjö däjä, fii balitama defi jamö a basuamabeje, öjö bä nija Biladonö a noshi öjödadalema. Öjö cudeenö, Jesús a çai fa alujenö, a juma. A nia lä basuano wejei defi lä cui, camanö defi yalucua showalefälöma. Fełosi blaobä tä afa ulifi lä cule jamö a çai jumaje, ebleo bä caficö a ja, Cocoda a wafa lä jilabou wejei jamö.



Öjamö lä, fii defi jamö a basuquemaje.  
Jesús a basua fa möamobalöjenö, ai  
cäcöbö çai basua lujlocua mö  
feduquemaje. Acasi boco  
mashi jamö ai a,  
jayu boco mashi  
jamö ai a,  
cäcöbö basua  
taaquemaje.



Bei. Motoca a yɔlɔblojɔlayou dǎjǎ, tǎ mö jödödöwǎ  
dödölayoma. Motoca lublodayou dǎjǎ, Yai Bada etǎ  
yafi jamö cǎcö bada acadafu lä läono wei, cǎcö  
cacablou mö wädätefälöma. Motoca  
yajadou dǎjǎ, tǎ shii jomoblou  
çolayoma. Öjö dǎjǎ Jesús a  
wǎ icali laamou ja, abinaja a  
cuma. —¡Fabe! Cafǎ nija ya  
cuobǎ wale bufi da çölö.  
Inaja a fa cunö a jele  
jelemou mladaliyoma.



Alimadeateli a José lä cui, a bufi  
fa lojododalunö, Bilado nija a fa  
icuicunö, Jesús a wafa  
nomawä boma. Öjö a José  
lä cui, judio bada bä lä  
läono wei bä nija a  
coyocooma. A nofi  
yai tabou  
dodijiomaje.

Yai Bada tänö  
cama ebä nia  
çai lä cuo wei,  
José a ma  
cuinö, öjö tä  
nö çai shi  
jaliwä dablalaö  
mö feduoma.



Jesús a nomawä jaḷoblabä, Josénö  
camishi acadafu au cäcö  
lululema. Öjö däjä, a  
nomawä fa itomalönö, öjö  
cäcö au dude ja a  
jaḷoblalema. Maa  
maca jamö a  
maquequema,  
nomawä bä

maqueblaabeje  
maca lä  
tablaleno wejei  
jamö. Öjö däjä,  
maca fe laobä,  
maa ma bada  
jiluluquefälöma.



Öjö tä fena ja, täbä yanöcöobä tä mö  
jalu cublou däjä, Bilado  
nija judio bada bä juma.  
Nofi bäyäälewä  
blowäjäwä bä ma cui,  
faliseo bä çai bada  
ma cui, Bilado nija  
öjö bä bluca fa  
icuicunö, abinaja

ebä cuma.



—Bada tä. Quiji a lä jolemono wei  
a lä cui, a demöö showao  
däjä, abinaja a cuu dicoo  
cublelei. “Bolacabö tä  
mö didi fa cublalunö,  
ya nia jocädou  
çõ”, a cuma.



Inaja a cuma yalo, sodado bä çai fa  
alufälöjenö, maa ma bada  
lä läono wei ma tamaö  
mlaobeje, öjamö bada  
etä oni sudimaquemaje.  
Öjö däjä, bä läo  
juobä, bä sodado  
lämaquefälömaje.



Täbä lä yanöcöo wei tä mö jalu  
jayublou waiquilayono wei ja,  
domingo tä mö jalu lä cublole  
däjä, Jesús a nomawä lä  
didiono wei maca nia fa  
möbönö, suwä  
cäcöbö aa  
fenalayoma.

Madalatelyoma  
María a cuoma, ai  
a wəfa María cuo  
mö lä feduono  
wei a çai.



Yedu Bada tänö ajele a fa  
shömölödunö, Jesús a nomawä  
didiobä maca fe lä lale ma  
jilulaö däjä, tä ulifi blösö  
blösomou fe balojolayoma.  
Ma fa jilublalönö,  
öjö ma feyaca  
jamö a dökäa  
showadaquema.

A mömou nö  
quilijioma yalo, bä  
sodado lä läono wei  
bä lä cui, bä quilili fa  
blösö blösomonö, jai  
nomawä bä bläläa  
culaliyoma.



Suwä cäcöbö nija abinaja ajele e  
cuma. —Cäcöbö quili dijä. Jesús  
wafä a lä dayäboyoi bäfäcö  
daö, fii balitama defi jamö  
a lä basuono wei a  
lä cui. Eja a cuami.  
A demi jocädou  
waiquilayoma tai,  
cama a lä cuno  
weinaja

showawä.  
Jabo, öjö lä, a nomawä lä  
maqueono wei wafä tä  
möblaaö balöobä.




Ajele a wɔ fa jilibölänö, maa maca jamö  
lobe cäcöbö quilili faa çolayofälöma.  
Cäcöbö bufi çai doblalou fe  
baloooma. Jesúsnö cama ebä lä  
nocamabono wei bä  
yömölaböbä, lobe cäcöbö läläa  
showalayofälöma.



Cäcöbö läläafälöbä jamö, yedu Jesús a bädaliyoma. A fa bädalunö, a wə faa mö balayoma. Cäcöbö quilili fa dijoblaicunö, Jesús mamicö ja, cäcöbö imicö waliblaquema. Cäcöbö möfe bolanö a wəfa Bada doblao taböma.





Öjö tä cublou fa balölonö, bä iyabä jamö, cama 11 ebä nija a damoa cõa majöläleyoluma. A demi jocädou lä möno wejei, bä ą bejedi bufinomije yalo, bä ąfa dobroimi tayoluma. Bä bufi ąfa cąi jifuwä tama. Öjö dąjä, Bada tä Jesúsnö bä yömölaa jödödöa fa balölönö, fedu jamö a cõmolayoma. Yai Bada boco jayu mashi jamö, a döcäaledayoma.



'Yai Bada tänö yanowamö täbä  
nofimaö fa dodijionö, bä ljilubö  
moli ya e lä cui yale shömölema.  
Wale ą bejedi lä bufii wejei bä  
bluca lä cui, bä nomaö mlai ja  
bä bəlimi cuobä.



Romanos 3:23 Yanowamö täbä jödödöwänö wəlidiwä tä taö malä cujei. Yai Bada tä doblao lä culenaja bä cuwä malä mlai.

Romanos 6:23 Wəlidiwä tä lä taö wejei tä nowa ja täbä malä nomaö wei. Öjö ma cui Bada tä Jesucristo lija bamacö bufi cua yalo, Yai Bada tänö no mlai ja bämalecö bayeliblaö, bəlimi bamacö cuobä.

Hebreos 9:27 Yanowamö täbä nia lä nomaö wei, moli bä nia shilo nomaö. Öjö dējä Yai Bada lija bä nia icuo, bä jimamobä.

Efesios 2:8,9 Wamacö nofi ojodabou yalo, Jesucristo wama a nofi fa mölabonö wamacö malä fucäləno wei. ¿Öjö tawä? Wama a nofi lä mölabou wei tä ma cui, Yai Bada tänö no mlai ja wamacö bayeliblaö mlao fa cunoja, wama a nofi nö çai mölabou bädaobö mlai.



Täbä lä dodijaö wei tänö täbä fucäamoimi yalo, cama bä dodijidawä jimöobä etä cuami.

Romanos 10:9,10 Bei wa caficönö Jesús wa wäfa Bada wäaö ja, bei wa bufinö Yai Bada tänö a demi jocädamaö lä çolayono wei wa tä ą bejedi çai bufibou ja, wa fucäamou wä.

Bei täbä bufinö tä ą bejedi malä bufibou wejei, jai bä dodijidawä waiquiwä Yai Bada tänö bä nofi tabobä. Bei täbä caficönö bä ą nö çai wäo, bä fucäamobä.

Juan 3:16,17 'Yai Bada tänö yanowamö täbä nofimaö fa dodijionö, bä ljilubö moli ya e lä cui yale shömölema. Wale ą bejedi lä bufii wejei bä bluca lä cui, bä nomaö mlai ja bä bälimi cuobä.



Yai Bada tänö bita jamö bä Ijilubö wale lä shömöleno wei ya lä cui, yanowamö ya täbä nö bleaamabä wale shömano malä mlai. Ya täbä yai jucäabä wale shömölema.

1 Juan 5:11-13 Bəlimi bəmacö cuobä Yai Bada tänö bəmalecö lä dobäleno wei tä əfa yai wəyämou. Bä Ijilubö bəma a bejedi lä bufii wei tänö bəmacö yai bəlimi cuobä.

Bä Ijilubö e lä tabou wejei bä lä cui, bəlimi bä li cua waiquia. Yai Bada bei Ijilubö e tabou lä mlajei bä lä cui, bä nia lä bəlimio wei etä cuami.

Yai Bada bei Ijilubö wama a bejedi lä bufii wei wamacö bufi jaducublobä, ei ya tä ə oni shömaö. Bəlimi wamacö cua lä waiquile wama tä dabä.



Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Yanomamo (guu) ©2012, All Rights Reserved

<https://www.bible.com/en-GB/bible/2980/GEN.1.GUU>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

